




CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JAN 10 1941

12

T 3210/5521.83







奉化縣志卷十四

哈佛大學漢和圖書館珍藏印

汝上曹 膏 重修

知縣 含山唐宇霖

安慶桐城陳 琦編輯

教諭錢塘汪文濠校正

古蹟志

古蹟有志非徒侈博雅也一以存名賢一以著興廢而已夫宇宙一遠廬滄桑爲俄頃吳宮花草越水烟雲久與劫灰俱燼惟是名賢遺澤曠世相感有令人悄然以悲慨然而賦者後之視今不猶今之視昔哉

邑雖僻處山陬自秦漢以還代有勝蹟父老猶能
其處蓋與鑿空附會者不同矣他若郭令之宅鄭公
之鄉與夫雙闕烏頭朝有旌廬之典穹碑魏碣史
詔葬之文皆足令人矜式未可輕畧且烏知夫百世
後之不能為奇聞異蹟摩娑憑弔而援以增此邦
重哉故列古蹟於前而以宅里坊表塚墓附之亦從
其類焉耳志古蹟

黃甘嶺 皆黃公嘗過此
飲水而甘故名

鎮亭 見漢書
地理志

六詔嶺 晉王右軍嘗隱居于
此六詔不起故名

句章 明州有兩句章城舊本在甬山之南宋武帝平孫恩
敗築于甬山之北甬山之南者今為奉化縣句章里

休原碑唐魏紆鄞縣圖經以為孫恩所築非也

句章縣 本越王句踐勝吳之日築城以章大
之故為是名其地今在奉化境之北

鄞城 舊址有城郭狀在今鄞城山近山有古城隍廟又徧
地甃結古壙壘皆壘闕者多偶見之又有甕器

古甕壘脫盆藥堆塚成山掘三四尺廣延二三里皆是
也不知何代置縣又不知何代開甕故老無傳典籍莫

考蓋唐分鄞置縣之前雖有唐縣令趙
察開白杜河事蹟並無一處著及也

剡源九曲溪 一曲曰六詔有晉王右軍祠二曲曰驪駐有
吳越錢王祠三曲曰兩湖右石壁曰小盤谷

四曲曰相溪有淨慈寺五曲曰三石右丹山赤水洞天
永固寺六曲曰茅渚有上乘寺七曲曰斑溪有報本寺

八曲曰高舉有雪竇寺九曲曰公棠孫綽植棠于此金
華戴九靈剡源九曲圖記奉化陳君子經圖其剡源之

境屬予而叙以書曰奉化之西六十里有山夾溪而出
蔚然深茂者剡源山也謂之剡源者以其近越之剡縣

卷七系志 古蹟

名之也剡源之中有水蜿蜒若白虹西來益折而東流者嵩溪也嵩溪蓋剡源之支流也剡源之溪以曲數者凡九其第二曲而為蹕駐者吾七世祖宋殿中監公當五代時以文學行義潛焉吳越忠懿王親往顧之故以是名也自蹕駐東迤北滙為兩湖湖有大石離立不可名狀去石數百步有潭甚清洌魚百許頭可數所謂小盤谷也又北東而為蓮葉峰三石溪皆幽麗可觀至第五曲則其境尤勝大抵異石最多岬然洼然若垤若穴而穹然若室其大可坐數十人上有丹霞二字隱隱如硃書有洞窈然入之甚寒問其深則雖好游者不能窮也謂之丹山赤水之天也而赤水不常有也此蓋吾六世祖隆國文簡公之所居也又東折至六曲而為茅渚則吾始祖奉化公居之公於唐末自長安使吳越遭亂不能還錢氏留為奉化尉故居之也又北東而為斑溪水會又北流為高舉又東流為公棠而入為鄞于是九曲之溪始盡也然九曲之溪與群山交絡且百里其間土地入吾族之籍者什常八九也吾之世居于此者亦既有山可樵有水可漁而又有宅可以桑麻有田可以稼穡有山可以筍茹此吾之所以樂于處而自遂也吾少而安焉及壯而從事四方今又出應方面之聘當事

物紛沮世故之艱難則未嘗不思退于此以自休也于幸為我記之使我後之人有以知吾之志也余惟陳氏自奉化公始居剡源迨今四百餘年矣其子孫出而以廉謹名者殆不可以數計其處而以節義禮讓自守者亦累累焉此古山川秀氣之所鍾而其先世之遺澤要不可誣也蓋其先世之居于此也凡居處之樂衣冠之奉一無待于外而自足使其子孫在官無內顧之憂在家無不給之患行義求志無施而不可故其出者皆有廉謹之名處者皆有節義禮讓之行至于今不絕也然則子經之未出也則樂于處以自遂其既出也則志于退以自休而于出處之際從容如此者豈非先世之澤乎庸因作記而具道之如此

相見滙 縣西南五十里溪上盤曲鑿山腹為路繚繞環合

滄旱時父老見之莫知何等語世傳神仙所題

孫公棠 縣西三十五里晉孫興公遊四明山得棠一本植于此故名唐文德元年置高公塘認棠作塘訛也

梨洲 卽四明山之西峯四明山記云晉孫興公遊此見澗邊有梨實左右環視莫見人跡時意以仙物云故名

響石坪 元戴表元詩蒼茫一片莓苔地隨意觸來還有聲

能記跡古居人不敢耕孫叟有靈應索笑賦成曾此試琮崢

降渚 昔有星實海濱化為石而光潔故呼其地口降渚俗訛為降阻非

舍墟村 縣東北一十里屬第三都押司錄事譙國樓承皓故宅世稱舍墟村裏詩書澤畫錦坊中柱石家

計然村 皇覽計然塚在句章縣東一十里奉化縣北有計然村今莫詳其處

鹿亭 丹山洞天圖咏集梁隱者孔祐居昇仙祠側有鹿中矢來投祐為牧豢而去因建鹿亭陸龜蒙鹿亭詩鹿

亭巖下置時領白麕過草細眠應久泉清飲白多認聲來月塢等跡到烟蘿早晚吞金液還將上綺河

雲南村 雲笈七籤四明洞天治丹山赤水在會稽故云山中

雲今雲南村是也 桃花坑 隱士竺汝舟與太白禪師往來留

金鐘整 縣北一十里大溪之間其整絕小樹木頗茂雖山泉奔突而整無所損或傳昔錢氏戴大金鐘過此

沉焉歷數百載不為水所盪

葫蘆塘 後塘硿又名漆家硿坐下鶴橋菴後至江口堰灌金谿鄉三十一都等田

龍津館 宋朱考亭提舉浙東常平循行台温郡泊舟龍津長吏率諸生講學之所

廣平書塾 宋文靖舒先生與慈谿文元楊先生定海端憲沈先生講學于此故奉化鄉賢祠文元公端憲

公亦祀焉其後太學博士舒津亦講學于此

留耕堂 宋舒岳祥記鄞之南邑有山曰連山則山之綿亘聯絡可想也山之陽名大萬竹則竹之陰森深密

可知也漢鎮亭見史記今連山其地也大萬者鉅萬也鉅萬亦漢人語也漢人居是地是以得是名也至今民俗淳厚猶有漢之遺風宋承平時有隱君子王肖翁居

之于所居之西偏開軒鑿池環之以水扁曰肖華胥因以自號暇日游息其中領客觴咏翛然自得袍褐往來魚鳥同趣子弟娛侍未嘗不以前言往行為訓至唐賀

古蹟

水部有但存方寸地留與子孫耕之向行坐咀嚼口津
 津也既老傳政于肯堂留耕能養志服勞夷險一致不
 以累翁翁以壽考令終世所謂吉人長者斯其人與而
 子兵火華胥之軒輿然無恙人咸嘆異曰肯翁之方寸
 於此存矣方禁擾未定斯軒子立智耕泣口斯吾先君
 子逸老之地幸不燬于煨燼忍見其飄搖于風雨乎乃
 折徙故材寘之深穩越已卯別作新堂于山之陽高廣
 有加焉轉步改觀溪山環合花木隱映書度琴牀雅玩
 整列俎豆賓友簪履徜徉牲牢獻享進退有度我冠頤
 然不改常矩慢胥悍卒帖爾聽命里閭恬熙賴以清安
 人問何道而然曰吾仗此方寸而已扁斯堂曰智耕乃
 翁存之其子留之存之者不已留之者其無窮乎乃於
 斯堂之東取華胥之材結構如舊藻飾彌新存其馨咳
 若有聞焉存其典型若有見焉扁曰存古存古者所以
 存華胥之軒也曰非也所以存華胥之心也按華胥之
 事出列子寓言云其國在弇州之南台州之北自昔分
 畫惟九州無弇台也故讀者目之為元虛之境堯建萬
 國至商周之際猶千八百國若華胥者豈勝數耶二州
 者二渚也後以台為郡蓋亦因列子而有是名也台本
 仙佛國如石橋方廣院徑桃源遺跡猶存台北推之

華胥之國正在連山之鄉古書無州字九州皆以水為
 界以四海為一大州此釋氏所謂南瞻部州也分為九
 州各為一州又析為州鄉之州又析為州縣之州列子
 所謂弇台二州乃二州渚也剡中沃洲諸名山名州不
 一余謂華胥正在台州之北非連山萬竹之地乎肯翁
 之命名有旨哉余欲為智耕改存古為存華胥未知其
 可乎否也肯翁諱應辰字智耕名子震字
 震字伯起世連山人大德改元脩禊日撰

朝暉軒 縣西十里趙孟頫戴表元黃潛聚講之所凡
 戴黃有作趙書之時稱三絕今為法華寺

鮎埼亭 卽戰埼鎮字之訛也又有鮎埼寨宋嘉泰中置監
 官領土軍五十鎮守監官廳置在溧溪寨置在袁

村蓋軍房天王堂射亭巡檢廳等屋
 當時甚多事詳見寶慶志元至元中燬

節慶堂 宋紹定間馬武錄字國勳由賢材舉授婺州學諭
 方任而卒妻陳氏守節訓孤曰元洪業儒不就祿

薦奉母至孝當時母子得以節孝稱楮祥符縣尉校梓
 俱太學生曾元二十四人壽踰一百儒學副提舉陳旅

以事聞于朝旌異其門額堂
 為節慶學士趙汝淇撰記

來青樓

縣北三里三台山下隱士宋起潛所居方正學為之記

清茂軒

縣西南四十五里毛雲鄉所居戴剡源有記

五桂堂

趙師簡兄弟五人俱進士人號其居曰五桂堂

質野堂

剡源先生築室于山麓間號質野堂自號質野翁

景賢堂

景賢堂壁記奉化縣學舊有鄉賢三先生四忠節祠又有縣令去思之祠屋雖壞於風雨既久而名

則載于縣志可考三先生者楊文元公簡舒文靖公璘

沈端憲公煥皆宋時人或位于朝或教于鄉道德文章

顯著當時沒後賜諡是有足為後人景慕而師法者也

四節則曹孝先吳從龍郭德揚三人在宋綿定時從將

師許國討李全力戰而死於難舒瀛亦同時在衢州西

安縣尉禦賊捐軀而死宋相家鉉翁撰祠堂記並以忠

節著稱是有足為戰陳無勇臨難偷生者之勸祠于鄉

校不亦宜乎前代縣令之有祠者不能盡復近惟玉山

周公銓修學之功蹟甚大始灼見存養民之惠愛甚多

思久弗替况其公廉之節始終不變至為御史為按察

使皆九載致事歸老矣無以為家是實又足以為士君

子取法立心致身從事于國之勸也天順初教諭姑蘇

成君矩立公生祠然不專一未久即踏公之牌位贅依

土地見者莫不愕然咨嗟嘆息令曹侯澗知縣事政成

餘裕修展廟學更新戟門講堂增構齋舍繼興周公去

後五十餘年將墜之蹟而規制有大于前功益茂哉舊

有參前亭在戟門外侯遷置于踏祠之址未知所用既

而考績入朝適刑部主事宋旭景陽使還即奉周公牌

位奠安于此視為綿叢曹侯今秩通滿將去諸生咸請

并復三先生之四忠節列牌以安神位增入本堂剡源松

鄉三先生之有著述可以配于前賢者又縣令周公因

宋公晉之創始遷學新廟之功見存者總名之曰景賢

堂侯即諾成之飾其墻垣固其扁鑰斯見畢其一簣之

遺功完美修學之盛事是用紀成于壁以埃大手立碑

者采焉

參前亭

在學宮之內太學博士陳著記襄賁丁君濟尹奉

有池中可亭藏脩者可游息然學宮漸完邑之士協相

居多此役又將誰賴壬辰四月朔揖而謀諸長明善齋

汪日賓諾而退鳩工飭材是月已卯亭成扁以參前尹
意則有在也人之為學所學何事亦惟言必有物行必
有恒而忠信篤敬為本吾夫子告子張以此且申以參
前之語今余于諸生宮以居之又為此亭蓋欲其優游
涵泳樂其所以學然虛閒之地虛則易放閒則易怠因
摘二字以警子張為聖門高弟猶書諸紳諸生自視子
張為何如登斯亭也翼翼然常若在口庶乎久而安安
而化不自知其在忠信篤敬之中而言行為有成否則
妄而已如扁何彼南山蕩翠平野輸秀風清日美蓮淨
植而芹藻香天高地下鳶之飛魚之躍各有攸適不物
于物何見非理何著非誠亦足以暢吾心而融吾性若
山陰之叙情零陵之燕好雲龍山人之鼓琴放鶴則非
名亭本意諸生領已進而曰昔子張書紳止于一已此
以名亭則與諸生共所以表章夫子之訓淑後學大矣
敢以記請尹退然不自居曰于余奚記為特成余之心
者是可嘉蓋有以勸後時著因賀成適至辱使之書辭
以卷不獲姑筆其實使來者知尹之用心而用力又有
若而人將有以日葺為事而斯亭為學者助百世一日
也

覺後亭

在學宮之內太學進士陳榮龍記孟子稱伊尹自
任以天下之道其言曰天之生斯民也使先知覺

後知使先覺覺後覺予天民之先覺者也予將以斯道
覺斯民者嗟乎大哉此聖人公天下之心也蓋嘗因斯
言而求之易太傳曰一陰一陽之謂道繼之者善也成
之者性也仁者見之謂仁知者見之謂知夫不有
所見無覺也人之能隨人所見而為覺者得之于心非
度數可傳非言語可詔莫親于父子而子不能受之其
父莫嚴于君臣而臣不能獻之其君然聖人必欲以是
公之天下無他焉蓋吾能以是道為天下之先覺非天
私予于我者也吾固不得而私之及其覺夫人也初非
損吾所有以予之亦惟以吾之所以覺而覺其未覺者
耳君子用心固當如此而淺之為丈夫者則不然老子
曰善行可以市又曰不善者善人之資以人之不善為
資而求以市吾善善未恐其不在已而不善惟恐其不
在人固閭巷賈販為利者之為寧足語吾聖人之道
哉余竊陋之適吾邑大夫丁侯既大脩學宮而又作亭
于講室之後扁之曰覺後固已慨然有觸于吾心者書
來請為記曰是役也主簿周侯之來實經始羨地而為
之吾甚嘉周侯之能成吾意也余發書知二侯相成之

美而私心之所陋者益可以自廣矣夫有志于任天下之道自一命而至于天子自一藝而至于聖人所治雖有廣狹所致雖有淺深求其用心則一而已吾邑自晉唐至宋數百年代著文獻吾黨之士凡得以衣冠自貴于郊畔之版者斯國家教養之恩而先生長者詩書禮樂之餘澤也使後之視今猶今之視昔若能益推先生長者之意淑其後人擴其獨善而為兼善充其成已而為成物使生者教于塾歿者祭于社媿其風聲善其氣習異時有能極生民太平萬世自任以天下者將有取焉豈非二侯所望于吾黨者哉故不辭而為之記丁侯之有德于吾邑之士民若夫有功于學者其事皆有作者記之矣茲不復紀周侯名信濟南人有幹濟材是宜書至元癸巳春二月既望

清斯亭

成化四明郡志在奉化縣治得初堂後王應麟重脩奉化縣治記廳事東西吾名以節愛清安兩廡翼焉名以一清四畏堂曰得初以息以燕亭曰清斯有沼有荷挹爽西山扁以高清殖殖其楹輻輳其門粲然一新曷敢視官舍為遞傳而怠厥事

鳥峰亭

李濂遊雪竇記在日嶺上鳥峯日嶺別名

御書亭

寧波府志在雪竇藏宋埋宗應夢名山四字

妙高臺

在雪竇山之妙高峰明黃潛詩偶為清遊宿梵宮凌晨試上最高峰水翻雪色寒猶落雲掩丹光遠

更重舊有一僧能跨虎近聞三洞盡藏龍下方車馬應難到烟際惟聞日暮鐘

偃蓋亭

宋梅堯臣詩既將茅覆簷復有松為蓋五里入山時愁此得寒瀨曾無康樂遊但見雲衲會

隱秀亭

宋劉倓詩一重一掩一峇堯隱秀寒華次第高借得筭輿輕似艇晚風十里汎松濤

飛雪亭

妙峰亭 漱玉亭 輿地紀勝奉化雪竇山有瀑布上下有三亭丹碧照耀飛

簷鱗鱗蔚在青嶂間晨霞暮靄遮露萬狀尤為勝概表元飛雪亭詩匡廬亦有千尋瀑無此凌虛翠玉臺身

傍老松天上立眼看飛鳥雪中來山神禁肅難投唾木客魂清得浣埃見說下巖堪對望道人臨壑剪蒿萊

琅玕亭

延佑四明志在奉化館群山繞之

枯桐坑 孝子陳敬年十三隨父入山樵採虎攫其父敬即
敬于青桐樹下血洒沾樹樹
為之枯故名其地為枯桐坑

還舟渚 明周銓為邑令在任六年名為監察御史去之日
自造船至張家灣給船夫門隸路費命駕還繫迎
恩亭下民稱其處曰還舟渚明汪綸詩明公遺愛一孤
舟橫絕類波此繫留淨渚正臨傷別館危檣空倚望中
樓山疑峴首碑常在江與錢青水合流

昭代宜登循吏傳民謠應得史官修

繼志堂 明方孝孺記負高世之器者當任舉世之責才足
以高天下而不以天下為心知道者不忍為也天

之生斯人也其才之相遠若兼葦之于枯柏優劣大小
不可以數計隴畝之人不能處其身鄉黨自好之徒不
能知一國之俗而吾獨幸而會天地之全達性命之中
通事物之理傑然超乎眾人之上前乎千載者將俟予
以為章後乎斯世者將資吾以為準而與吾同倫共城
之民非吾則無所恃以自立苟不思為之計而恤恤焉
私利其身安在其能過于眾人也哉是以聖賢豪傑之
居乎世不憂其躬之饑寒而憂四海之不治不憂聲譽

之不著而憂斯道之弗明劬形憊神務以其身殉天下
而不以天下殉其身此孔孟之學所以異乎異端曲士
偏談自私之教而非揚墨佛老之所能及也昔宋乾道
淳熙之間子朱子倡孔孟之道以開學者天下和之者
甚眾而陸文安公子靜獨以其所自得出乎其間與之
相角聞其說者或疑其高遠而難繼然嘗誦其言以為
宇宙內事皆吾事也卓哉言乎是豈剿說竊取而為此
言也乎其道之所至雖未必皆合于聖賢而斯言則聖
賢不能易也自朱子之沒聖賢之迹不復見于世為士
者志卑而日下舍利祿名譽無所存其心竊觀其為而
哀之曰明舒君彥高作講學之堂以教其子孫而名之
曰繼志問其所慕則其祖文靖公璘而文靖公則陸公
之門人也因陸公之言而推其志是豈苟以儒學自名
者乎率是以為君則可俾宇宙內無失所之物率是以
為臣則可俾當世無不善之政雖不獲見知于時以行
其道然其所至事功赫赫較著其志亦從可概見矣
然則文靖之學意彥高欲起而繼之者寧不在茲乎由
聖賢之事考之善繼堯舜禹湯文武之志者莫大于孔
子繼孔子者莫如孟子嗣其後而承之者未嘗絕也其
人未必出于一家其生未必並于一時其學未必同乎

一師而其志之所存相去不踰毫髮蓋道之本乎心者不能不同也居今之世有能修聖賢之業以天下自任者乎苟舍所當繼而以利祿華寵為學術之極致此世俗之陋也固非文靖之志亦非予所望于賢者之子孫也

省方亭

屏山也盤旋非落之間邑治負焉余昔遊天姆華

頂嘗道其境環觀層巒疊嶠渺天際目殊不可窮狀及一登錦屏之巔不藉車輿陟涉四顧之下諸勝攢萃坐可俯而有也歲嘉靖丁酉縣尹錢君竹梧報政之五年民人浹和政治休暇每退食其與邑中之賢達者與賢達之遊寓邑中者偕登錦屏徘徊瞻眺道論古今咨諷政治得失百姓喜公車出老稚擁觀隘巷壯者附趨後先或爭持酒醪饋菓以輔歡劇一日與吾友俞子思齋邑劇翁子隗崖酒酣而樂顧二子曰是山當諸勝之萃是巔又當茲山之萃不有名亭曷羨嘉境乃命工柱石而亭之請二子名二子曰君出遊而民樂君遊樂而治益進是遊無非事者請以省方名亭如何君曰諾於是二子以書請予記其事緒山子曰古者天子巡行方獄

侯會制燕聘憑軾結轡車轂之聲軋於道而民不稱病文王以民力為臺為沼康矢歌音於卷阿裨謀謀政在野子賤寄興於琴是何政治之暇且豫也後世規規於纏繳之中身勞於事智竭於謀然而累涉迹于山水觀遊則百姓競胥怨詛執法者從而議其後矣是何古今之不相及也豈論治者未及其端耶是故治天下者如治絲繹其端母擾其亂焉已矣古今之善為治者正其身而教有順其時而事存因其俗而化存繹其端也故治常逸吾聞竹梧之治奉川也潔已以廉示民之無欲也惠下以勤示民之無倦也事上以正示民之不援也接士以禮示民之有敬也宜其治益久政益暇日嶺隱潭雪竇諸名勝踪跡所到風物具存下不以為病上不以為疑政最日聞於上誦聲交作于下其庶幾古之逸道者乎是不可無記愧崖名桂閩人思齋名大本與余同邑俱已應聘南宮竹梧名璠海虞人其先與余俱出吳越武肅後云

挹秀樓

廢具興間及山澤亦有創葺去邑十里有山為日

嶺為夫人石四周無依挺壁立上下層霄下可寬二畝許遐觀之若作人狀俗遂以名下復為夫人祠尸之

然但以爲里人禱祈祀祝之所而英奇騷逸登茲祠者不獲挹見茲石之秀則又不能無悵惘瞻跂之意侯借客至則興歎曰此豈非邑人之闕典也與哉爰命工治材爲樓三間闢之以窻使人凭欄仰窺而茲石秀狀矗矗在日因題爲挹秀樓時余適觀厥成侯卽以記屬夫令尹吏有邑土則一方之山川皆其土之則夫據靈呈秘搜奇耀幽以公於民人者固其職分之事但惟志益則得失爲重或避作典之嫌而才力不給者戴星竭膏又且纏束于簿書期會之繁夫何及此也然則於茲舉也固足以徵侯之志之才而亦以知侯之教民者深也是故挹其中立可以不仆然而民知強矣挹其孤特可以不群然而民知廉矣挹其銳穎可以不厲然而民知養矣神道設教此或其一端歟然則茲樓也又豈徒以資遊觀從逸樂者乎哉爰爲志其實如右若夫費捐祿資役不妨農則自侯之創葺皆然不必書也

宜晚堂

侯名璠字國用號竹梧爲燕之常然人云
其瓊記越大江遠氏世居奉化之黃甘里地
勢斗絕四山環拱而南平一峯巖然特起狀類玉
几上可坐數百人下有東西兩溪合流之長溪折而入
于鄞江又有日峰峙其左刻水紆其右蓋四形勝之

一濬遠又據其勝焉六世祖某宋保義郎子怡齋由太學上舍試補臨安教授至濬遠克世其學蚤受知中朝士大夫舉秀才歷官至福建行省照磨尋升檢校官以憂家居而代革勢殊矣因葺舊廬中與之堂題曰宜晚日肆意圖書而不復出矣介趙公木仲來求記乃爲之說曰山之秀也宜日之晚木之茂也宜歲之晚人之守也宜時之晚日之晚固異乎且矣歲之晚固異乎春矣時之晚固異乎少壯矣而以爲宜者何也山晚而益佳木晚而益堅人亦晚而益智豈不宜乎初濬遠汲汲於一試涉大江走長淮上太行觀黃河風波之險阻冰雪之慘栗未嘗憚其勞苦焉是亦宜也二十年中變故多而形貌改思慮深而血氣衰回視向之銳於進者孰與鈍之久榮於前者孰與困之全於是盤桓林壑之間嘯傲風埃之表尤爲宜也夫退休之跡見於春秋方盛之時則怠而馳騁四方之志施於旣耄欲與新進爭前則暗濬遠者視彼弱於利祿顯仆不止之徒相去奚翅十萬乎由是觀之山也木也與乎人也不病乎晚而尤宜乎晚如此使其悼縣車之景促痛凋落之將及以爲非人之所宜者惡知進退存亡之道哉此予嘉其爲人樂書而記之

大觀堂明張時徹記項大夫滅峯先生治第于縣署之東南負坎而面離靈和蓄結土壤夷曠門堂寢室賓

館師塾罔不匡飾名其堂曰大觀乃奉其尊人三峯公燕息其中稱觴戲綵歌南山之詩上于百歲壽賓至設

組張筵吹竹彈絲以為娛愉愉如也客進而請曰堂名大觀其義云何大夫曰吾以志吾遇耳斤鸚狎枋榆而

鷗鷗翔于寥廓鶴鳴九臯而昆蟲螫于坏戶性各有所安也蒙士以環堵為迹而達人以六合為隘智故有不

齊也余不敏幸邁熙隆之運策名天朝行役于四方都邑碁布川谷星羅諸不可殫述乃若金門天闕之崇高

青城紫宮之窈窕山若岱岳太行水若龍門滄海凡稱奇載志擅雄寰宇者罔不一一而寓目焉每一記憶歷

歷如睹斯不謂之大觀乎惟是隘陋之居雖僻在一隅而山川盤礴足展舒眺高臺曲池芳林綺榭錯列于左

右者如拱如抱不啻鳳翥而鸞鴛也景而仰之則橫山陳其前曲澗經其側文峰玉几抹翠流朱掩映于睇眺

者無算又前則蓬島捭時複嶺重岡繚繞綿亘而安巖翠峰石樓赤雲相與獻媚而爭妍又前則三山九峯鯨

埼星嶼各擅天設之巧而占烟霞之魅其間天門突起迥絕塵區列岫排空虹橋亞海蓋樵牧之鮮經而神仙

之所都也居是堂也青陽布澤天宇晶明繁花雜樹吐藻舒英應節則薰風于玉沼揚清谷響與禽聲互

答秋高景肅野曠天空皓月耀靈星河入戶入冬則落葉飛丹積素凝白瓊瑤施于疊嶂珠璣燦于長林斯亦

天下之美麗也吾得兼而有之不出几席之間而坐收六合之勝于以蕩滌喧囂怡神昭曠豈非炫金谷之富

而侈輞川之奇者哉客聞而告余請繹其說余曰子知大觀之義乎牖室則光容不入鑑垢則好醜不章况足

以議于大庭之外乎故君子非無目之患而不能視遠之患易箴蒞家孔戒牆面其為訓一也故屏斥嗜慾所

以凝神也放遠邪僻所以定志也誦法古人所以廣智也夫是以養之方寸而有餘放之六合而不礙囊括宇

宙上下古今而天下之能事畢矣是之為大觀非大夫所以名堂之義乎客曰唯唯請持以効斯于之祝大夫

引身而退論者以不竟歎幹惜之代以儒術亢宗稱世德云嘉靖庚申歲春三月書

宅里在昔荀氏之高陽里裴公之綠野堂今皆舉其名而不忘其人鄭公之第後人贖之汾陽之宅過者

興思康節之館榜三月而人不忍市豈非名賢所居流芳故址不可泯焉者乎

漢黃公里 在黃賢村今莫詳其居宋林逋亦其里人也後

去海上孤村倚舊遊晦跡已終秦二世潔身不入漢諸侯青山窈窕雲長在綠樹逶迤路轉幽此地更聞

林處士清風高節繼前脩

唐謝遺塵居 在大雷之下見戴表元集之青茂軒記

孫拾遺宅 縣東北五里孫邵所居其孫名沔者為宋名臣諡威敏宅今廢為淨惠寺

社中丞宅 縣北二十五里中丞名勝先東陽人唐長慶間為御史中丞卜居縣之招賢墟即今杜坂

宋趙王府 縣東一里宋為宗室建元改為三皇廟明為布政司今廢

樓正議宅 縣東一里正議大夫樓郁所居今廢為告成寺或云樓氏世居舍墟村其後鑰遷于鄞

舒文靖公宅 縣東五里在廣平里公名璘子孫即所居之旁創廣平書院

舒忠節公宅 縣東五里集賢坊公名濬

蔣光祿宅 縣北十里三嶺村宋金紫光祿大夫蔣浚明所居

王怡齋宅 縣東二里東市王宗道所居別號怡齋乃王時叙之子今名雙桂坊

仇開國伯第 縣北五里公諱愈在沙堰所居之旁立善塘廟

王甲第宅 縣南五十里公名漢英在鮎埼有甲魁坊

萬竹先生廬 縣西南七十里萬竹村先生高元之所居

李元白宅 縣北二十五里江口村內有筆華堂

王奕宅 在長壽鄉 陳秘監宅 縣西六十里三石村陳著所居

曹承直郎宅 三石村曹孝先所居

元戴剡源宅 縣西七十里柏坑戴表元所居

松鄉先生宅 縣南五十里 江濬遠宅 縣西三十里

陳孝子居 縣西一十里 枯桐坑 名敬事詳孝子傳

明戴探花宅 縣東一百步 戴德 葬居今為察院司 宋侍郎宅 縣北三里北山村

宋長史宅 縣北三里 三台 山宋佳所居 陳侍御宅 縣北二里 牌亭 山下陳璘所居

竺忠節宅 縣北三十里 徒 竺村竺淵所居

王尙書宅 縣西南七十里 大 萬竹村王鈞所居 項侍御宅 縣東南二百步 項懷所居

戴通政宅 縣西一百步 戴璟所居 王侍御宅 縣西二百步 王杏所居

孫學憲宅 縣東三百步 孫際可所居 戴吏部宅 縣北一十里 萬家河戴澳所居

鄔太守宅 縣東二十里 亭 山鄔元會所居 孫工部宅 縣北二十里 孫能傳所居

鄔叅政宅 縣北四十里 鄔鳴雷所居 翠屏山 縣西四十里 山左 接九曲右拱西明

若錦屏高展秀麗萬狀唐貞元中右相樊澤致仕居築堤其下故地又名沙堤樊氏子孫世居此焉

廣平鄉 唐奉化今宋嗣宗廣平文貞公環之曾孫因梁移唐祚耻臣二姓遂掛冠居邑東斗門不忘其祖故名其鄉曰廣平鄉

舍墟村 縣東北一十里 第 并名其湖曰廣平湖

國樓承皓故宅 詩云舍墟村裏詩書澤畫錦坊中

石柱家 正議郁太師常 楚國公昇 交國公

璩 宣獻魏國公鑰 馬輿 在縣西北十五里 因 已上五世皆及葬奉化

坊表 坊表即古棹楔所以表宅里以樹風聲也通德之門履道之居固稱至美若夫懿賢紀錄科第旌榮其亦足以昭來許垂不朽乎

尚書坊 縣南十步 嘉靖 嘉會坊 縣南二十步 今廢

凌雲坊 縣南四十步 永樂 間 承芳坊 縣南五十步 天順 為舉人程完義立

進士坊 縣南三十步 正統 間 明德坊 縣南十步 正德 間 為進士田玪立

遺戴德
羹立

錦衣坊

縣南四十步嘉靖
間為千戶王鏐立

傅柱坊

縣西四十步宣德
間為舉人王樸立

繡衣坊

縣西五十步景泰
間為御史王子沂立

桂林坊

縣西五十步景泰
間為舉人王珂立

澄清坊

縣東二十
步今廢

進士坊

縣東五十步永
樂間為嚴貞立

冠英坊

今為大方伯縣東八十
步天順間為嚴貞立

世進士坊

縣東九十步嘉靖
間為御史項懷副使項守禮立

大銀臺坊

縣東九十步嘉靖
間為通政戴璟立

奪錦坊

縣東一百步宏治
間為舉人汪惠立

流芳坊

縣東一百二十
步亦為汪惠立

經魁坊

縣東二百步正
統間為項懷立

登科坊

縣東二百步宣
德間為項怡立

大侍御坊

縣東二百步嘉
靖間為王杏立

恩承天寵坊

縣東二百步萬曆
間為鄒孟震徽州知府鄒元會立

蜚英坊

縣東一里天順
間為舉人章英立

肅憲坊

縣東一里為按察
司僉事應瀚立

瓊林春色坊

縣北五十步宏治
間為進士宋旭立 已上
諸坊俱在城內舊有宣化坊新民坊止善坊

在縣前又有輔德坊通和坊等為
城樓舊址今俱改作故不及載

大司成坊

縣東一里為
祭酒戴洵立

閩淮都運坊

縣東一里為都
運使陳楠立

福寧坊

縣東
二里

嘉慶坊

縣東三
里餘

永平坊

縣東
橋東

永康坊

善政坊 俱惠政
橋西

雙桂坊

縣東二里朱乾道
為王時叙王時會

兄弟建至元十三年兵燬皇慶二
年達魯花赤木八刺重建後又燬

重桂坊

縣東二里嘉靖
間為王時叙子王宗道立

選元坊

縣東三里嘉靖
間為高州府同知張城立

進士坊

縣東三十里
為周濟可立

經魁坊 縣東三十里為舉人周濠立

釋褐狀元坊 縣東北三里嘉定間為何大圭立屢圮屢修今又圮

朝京坊 德星坊 俱縣東北四里 延壽坊 縣東北四里皇慶二年重立今圮

集賢坊 縣東北八里正德間令陶麟為舒氏先世科第立

廷平坊 縣東北八里為大理評事舒廷謨立 觀光坊 縣北三十里為舉人竺晏立

進士坊 縣北三十里為竺淵立 忠節坊 縣北三十里為福建叅政竺淵立

雙躋築壽坊 縣北三十五里萬歷間為誥封知府鄒文旦立

文秀坊 縣北四十里為舉人馬鉅立

青雲聯步坊 縣北二十里為刑部主事孫勝立

司直坊 縣北一里為國子監丞朱佳立 司諫坊 縣北一里為工部給事中徐維超立

登科坊 縣北一里為徐維超立

經魁坊 縣北二里為陳璘立 繡衣坊 縣北一里為御史陳璘立

一椿四桂坊 縣北二里為貢士劉鐔劉汲劉淮舉人劉河劉漢立

進士坊 縣北二里為兵部侍郎宋琰立 丹桂秋香坊 縣北三里為宋旭立

經魁坊 縣北三里為宋儒立 臺憲坊 縣北三里正統間為僉事宋儒立

躍龍坊 縣北三里為宋暄立 亞卿坊 縣北三里為兵部侍郎宋琰立

奎光坊 縣北三里為宋崑立 雲錦坊 縣北三里為宋璧立

紫薇鄉 縣西北八里為雲南左布政使應履平立 經元坊 縣西北八里為應履平立

天官里 縣西北八里為吏部郎中應履平立

登雲坊 縣西北二十五里永嘉間為汪宏海立 桂林坊 縣西三十里為江述立

嘉慶間為汪宏海立

嘉慶間為汪宏海立

嘉慶間為汪宏海立

嘉慶間為汪宏海立

進士坊 縣西三十里 為江淵立 總憲坊 縣西三十里 為侍御史江勳立

柱史坊 縣西三十里 為御史江純立 鳴陽坊 縣西四里 為應瀚立

進士坊 縣西三里 為應瀚立 擢桂坊 縣南一里 為施瑾立

青雲坊 縣南一里 為沈鏐立 畫錦坊 縣南三里 為御史曹習古立

登陸坊 縣南五十里 在鮎埼宋丞相葉夢鼎書今毀

登第坊 縣南五十里 為許泉立 文魁坊 縣南六十里 為胡塘立

甲魁坊 縣南六十里 淳祐間為進士王漢英立 參知政事應繇書今廢石柱存

進士坊 縣南八十里 宏治間為王喆立 恩光坊 為太平節推王文范立

司馬中丞坊 為贈兵部侍郎王訓立 恩薦坊 為貢士王釗立

應宿坊 為萊陽知縣王祐立 拔萃坊 為貢生王希文立 俱縣南八十里

墳墓 昔董相墓在長安過者下馬致敬而徐南州劉屯田之墓郡守為植松樹碑立門牆而禁樵牧是故其身雖沒而名則芳若桓魋之藏則有取琴而歌者矣嗚乎善惡不同歌弔亦異流芳遺臭萬世常存人可不知自立哉

周計然塚 在縣北三十里名計然村 按計然葵邱濮上人姓辛氏字文子越王句踐困于會稽之上乃用計然

茅將軍墓 在縣北九十里 里清涼山

唐銀青光祿大夫王敬玘墓 在縣西南六十里萬竹嶼俗名鶴窠延祐四明志萬竹嶼

有人耕其旁得小方碑戴敬玘出自 瑯琊官于明州天祐二年歿葬于此

奉化令宋嗣宗墓 在縣東北十里 名山石人畧

朝散大夫王知蘊墓 縣東北松林 鄉白水原

御史中丞社勝墓 縣西北禽孝鄉日嶺山

司勳員外郎阮詵墓 縣東北奉化鄉建城里南山東原

宋奉國軍節度使錢億墓 在縣西三里乾德五年卒葬于此戶部尚書崔仁冀奉勅銘墓

大理評事樓郁墓 在縣東南八里龍潭山赤城羅公道持節過墓下植檜四本為文致祭而去袁正肅公書墓道扁曰

慶歷鄉先生正議樓公墓

元祐鄉先生王奕墓 縣東南十里桃花嶺今子孫居衙後

金紫光祿大夫蔣浚明墓 在縣北十里三嶺山中奉大夫蔣璿宣奉大夫蔣琬祔

國子鄉先生李中墓 縣西十五里日嶺山子李達祔

安撫使薛居實墓 縣東南六十里貌頭山郎中薛揚祖通判薛師魯州判薛闡祔肩耑上耆舊

傳居實字去華知衡州朋龜之子也歷官淮東安撫使直祕閣卒於揚州

宣議公舒卞墓 縣北十里石人村

平湖先生趙敦臨墓 縣東南十里南山承議黃子春撰墓誌

奉議郎黃仁儉墓 縣西南萬竹嶼察廉岡

進士王宗道墓 松林鄉登山之原

通判端州軍事童大定墓 在龍潭山子居善祔

宜州通守文靖公舒璘墓 縣西四十里康家嶺眠狗山

太師趙善湘墓 縣西北十五里銅山

節度使馮湛墓 亦在銅山

復州團練使趙汝擢墓 在禽孝鄉倪山

朝議大夫舒黻墓 縣東北十五里名山

戴剡源先生祖墓 在張村之長錫香

魯國公余天錫墓 縣北十里西圃山

尚書余晦墓 在黃泥山按晦係余天錫從子

孝子袁鎮墓 在案香

戶部侍郎陳肖孫墓 縣東九十里黃賢山

丞相文節公魏杞墓 縣西三十里溪口山

忠節舒瀛墓 縣東二十里廣孝舉駱駝山

雪牕居士張良臣墓 縣西三十五里白巖山

大理寺卿舒滋墓 縣南四十五里結綺嶺南左

進士舒夢刀墓 縣東二十里福泉山

徽猷閣直學士樓昇墓 在金鐘壑山沿海制置使樓璩祔

大學博士舒津墓 縣西二十里藥師寺前

承直郎曹孝先墓 在禽孝鄉下楓潭

脩武郎李佾墓 在寶化山以已資造寶化院又置田地山若干祿授曾管業歲供香火

元刻源先生戴表元墓 在張村

安定書院山長任士林墓 在松林鄉雷公山

明拾遺戴德葵墓 謝志在縣西南四里許家舉項志劉志按舊志以許家舉之墓竟為拾遺公墓恐未必然拾遺死靖難時與兄弟德禮德祐俱畢命聚寶門外時禁方嚴安得歸葬百邱則此墓乃其祖父之墳非拾遺墳也觀斐君先生招鶴篇及愚齋先生義婦傳則三魂未歸而骨肉之散處者多矣嘉靖間周公光鎬訪拾遺舊蹟得北門戴姓指點此墓官為致祭以北門戴姓世世拜掃不絕也今與東門戴墳墓

氏同祭此墓乃知拾遺之宗系自遠而忠魂自與天壤不朽矣

兵部侍郎宋琰墓 縣西北十里日嶺山

侍御項愨墓 縣東五里伏虎山

布政使應履平墓 在日嶺山

運使陳楠墓 縣東南奉化山報國寺後

順天府丞戴澳墓 鄞邑東湖

國朝贈中憲大夫宋道充墓 城北應家山

光祿少卿宋之鉉墓 縣西十里城西魯半月山

雜志

志者有其事而志之者也惟其有裨于世教文獻足

徵焉已矣故既以類相從而彙之其有不可以類分

者舊志有紀異存古二編而統之曰叙遺又謂之雜

志今仍其例用舊文也

機祥志 春秋記災記異不記祥記災以示驚也記異以

防災也不記祥以戒淫也故水旱霜雹蠛螟之類必書所以重民事憂無年也嗚乎使長是邑者未災而知謹既災而知禦將一方受福寧有既歟

唐 宋 無考淳化元年牙將卒朱旺妻產三男

元 至元六年五月甲子奉化州山崩水湧出平地溺死甚衆至正十年二月奉化州南山石崩其大者有山川人物禽鳥草木之文

至正庚寅奉化州山石裂 見元史

明

洪武中嘉瓜瑞麥生 見知州李樞去思碑記

景泰丙子大饑餓殍載道

成化丙午大水

宏治乙丑地震

正德丙寅正月民間訛言妖言至每夜人各持兵器火
爐以備之

戊辰六月至十二月不雨禾黍無收民皆採蕨聊生

戊寅七月大雨連日洪水壞民田廬舍

庚辰地震

嘉靖丙戌夏大旱蝗起禾稼無收

甲午七月大疫大風拔木水湧山澤盪田地廬舍漂溺

男女不可計數又大饑

萬歷戊子大饑

甲辰十一月地震箱環自鳴

辛亥六月大雨遍處山崩壞民居址 是年十月朔日

半夜東南彗星出現約長三四丈其色白其形如關

刀日出漸沒十餘日乃止

戊午七月初大水壞民廬舍溺死男女不可勝紀秋冬

彗星現半載餘乃止

崇正丁丑大饑小溪新岷等處有山其土白色人皆掘
而食之曰觀音粉亦異事也

卷之四 雜元 三
戊寅地震聲聞數十里

國朝

順治己丑大饑餓殍載道

康熙庚申異星見西方亘中天月餘

辛酉蝗食禾稼秋冬無雨城中井乾汲水龍溪鄉人用

米易水

壬戌大雨雹邑自銅山至屏山壞禾稼二十里

紀遺

王濂唐朝散大夫越州諸暨縣令文德元年卒葬縣治之

西北曾孫文亮字昭遠宋龍川令贈尚書刑部侍郎以

子周貴也其先晉丞相導十六世孫儉爲唐正議大夫

勅明州始去長安之萬年爲明之奉化人大夫之兄曰

深深生紳紳生韶韶生文亮四川咸爲縣令

戴良字叔能浦江人以文章知名元季亂晦跡于四明山

洪武初徵至京以疾固辭卒于寓

土產奉化之繩袁村之魚鮓星嶼之江瑤霍鼠之香螺古

人以爲美而形容之歷年旣久所業不同所產亦異罕

有此矣

郭植唐文宗開成中官大理少卿

徐戡唐宣宗大中中官湖州長史

樓茂郊天祐中知明州軍事押衙兵馬使克黃檗隘將開
平三年吳越武肅王賜以墨制稱本官素精武藝夙
壯圖既窺黃石之兵書洞曉白猿之劍術撫綏而黎庶
咸安嚴毅而雄驍奉法云

謝獻子宋慶元間知蘄州軍事兼內勸農使救命尙多存
者

孫伯顏 暨思正俱明初祥符縣知縣立以課最荷太祖
褒獎鄉人榮之

已上仕宦其發身之途皆不可考而舊志載其名蹟

王子震字伯起宋淳熙中由新恩授承信郎忝注兩浙轉

運使運幹

王序羅字仲賓元時由明經授揚州府學學錄俱見永樂
志中

袁新字明應淳祐十二年省元

袁得之字孟深鎮長子登進士第授石康縣令

袁清之字仲素麗澤書院山長

袁澤之字季厚稽山書院山長築逍遙臺于居側袁公桷

有逍遙詞

袁泳之本州直學

袁齋字太初仙居學教諭

已上舊志俱載拾遺例下今不敢沒

崔粲范陽厲氏墓誌父鐸皇明州象山縣令兼宰奉化道
穎川陳氏當州押衙主雙溪鎮事天復四年卒于松林
鄉朱溪里私第葬當鄉袁村堡

唐右拾遺孫郃誌壽王府諮議叅軍王府君夫人呂氏墓
云夫人河中呂氏適叅軍知蘊長男慎微處州長史次
男昌禹監州從事御史裏行天祐四年葬廣平鄉膠子
呂氏世居河中與延之近屬曾祖王父林楚州錄事叅
軍父倫任壽之霍邱令七舉不利文赫于時耽味山水
遊從四明至奉化又愛之奉化館有瑯玕亭南有儒之

故宅池洛林亭郡山四面繞之因家焉

四明琅琊王府君趙葬蒿溪里墓誌紀年皆書甲子獨云
寶正二年遷勾押官按十國世家吳越無稱帝改元之
跡獨封落星石制書稱寶正六年今以墓誌攻之屬郡
嘗奉朔矣豈未稱帝耶史官諱之耳

酉陽雜俎僧太瓊者開元中講仁王經于奉化京遙村今
莫詳其處

老學菴筆記僧行持高高行明州人住雪竇頌曰大樹大
皮裏小樹小皮纏庭前紫荆樹無皮也過年

四明圖經奉化縣烏峰臨溪其石五色似花鈿

雲林石譜明州奉化縣諸山大石中每擊取之卽有平面
石色微黃面稍潤扣之無聲其紋橫裂兩道如細墨描
寫一帶夾徑寒林烟露濛朧之狀或濃墨點染成高林
與無爲軍所產石屏頗相類

宋承恩一名見善北山人自少任俠好讀書擊劍重然諾
輕施與四方英俊樂與之遊吏隱于元爲公棠廵宰時
方谷珍據有慶元求婚其子恩以女妻之慶說谷珍降
于明太祖曰免致生靈塗炭且可保富貴無虞也谷珍
不納恩忿然義形于色因帥司兵集里中少壯攻之谷
珍發兵迎敵遂遇害

宋信禮信義之弟博通經史惇行孝義雖布衣文行雅重
公卿間子原用領鄉薦受父庭訓未嘗就外傅所著雞
窻集二十卷藏于家

舒模宋理宗朝忠節舒瀛子因父死寇難廕廸功郎

逸事

逸事之紀志之餘事也其有紀述未能詳義例無
所屬者盡彙於是編自野史稗官以及叢談瑣語
凡有一言一事可以資博
洽廣勸懲者採而輯之

唐宏文學士虞世美西山寺記元和初溪流泛漲有僧持
鉢浮杯而度步入山中常有神彩晝現異香數里人皆
神之遂往瞻禮見有數虎跪伏相向僧方洗鉢澗下復
坐石上衆禮之旣僧忽不見視石上乃有足跡有遺錫

自然飛起若電光卓立前峰

孝感山故老相傳昔有人喪父廬其墓左哀毀骨立甘露降于庭故名唐王深墓碑云子屯田員外郎紳葬孝感山宣和中學士黃棠撰樓异神道碑云葬于孝感山卽其地也

唐相牛僧孺錄開元中道士葉靖能講經明州奉化縣典唐觀有救龍之異見仙釋下

延祐四明志虛白觀有三清像制度精巧老君像袖中有一蛇長數尺潔白如玉隱現不常

舊志昔董氏女未笄刺繡南窗二燕集其上女日飯之編

竹以護其巢乳子羽翼成而去明年來女字之如初歷

三歲燕去女死又明年燕復來飛遶悲鳴不已女父母告之曰女已死塚在屋側俄二燕去三日不歸翁媪往視女墓側二燕伏死塚上邑人異之故名其鄉曰禽孝

蘆浦筆記四明奉化縣凡七鄉皆有一管名如曰廣平松賢履信鳴鴈黃甘嵩溪靈泉棲鳳里處未聞也

明化院卽今明化寺有僧不知所從來自言能塑大士及成俯前六尺衆疑易仆僧升像距躍者三屹然不動酬工直不受竟失所在

清異錄居士李巍隱于雪竇山畦蔬自供不設五味人間

魏日進何味答以煉鶴一羹醉猶三甦下山問所親曰
此清饑道士且暮必以菜解

雙槐歲抄四明陳極嘗作宋鑑綱目筆其先世曰戶部尚
書顯者嘗論蔡京之奸不復仕顯孫曰戶部尚書伸上
章辨偽學諫韓侂胄北伐遂致仕伸子曰工部尚書德
剛請復濟王官爵端平中左遷而卒德剛子曰太學博
士著上書論賈似道奸邪出判臨安府極卽著之孫也

舊志徐馬站

地名

相傳御蹕到此有徐姓小兒值站帝出對

云七歲孩兒當馬站兒卽對曰萬年天子坐龍庭帝喜
問小兒汝何所欲對曰所愛者雞籠頂屋耳遂勅建雞

籠頂屋因此名徐馬站今僅傳其事不知蹕遊何帝小
兒何名也

舊志毛于廷石門人洪武間以薦赴闕廷受勅諭太祖問

出來馬來耆老對出來太祖微吟曰出入金陵景若何

于廷對曰五雲瑞氣壯山河龍樓曙色天光曉鳳閣涼

風秋氣多太祖曰秋氣多惟我太殺了廷復對曰朝觀

人行朝覲路太平民唱太平歌讀書不負男兒志願效

當年馬伏波太祖大喜卽授爲辰州知府時邑中同對

者七人有鄭天錫亦授揚州知府胡煥章授膳部主事

餘俱授八品官

崇正末奸民胡乘龍謀作亂聚眾於雪竇山自稱天萌國
大將軍分布黨羽刻期待發為其黨所告大守陸自獻
討滅之

國朝康熙間新嵎胡雙奇龔萬里等聚眾大嵐山先犯石
門有毛嘉仙者率本族人與之力戰賊敗去邑令曹也
臣聞其名命率毛氏族隨大兵追之搗寇巢穴殲其眾
走胡雙奇斬龔萬里大嵐以平郡守邱公業嘉之令改
名岳靈取山岳鍾靈之義也

奉化縣志卷十四終

